

司徒王公忠勤錄

上



王公忠勤錄叙

粵稽往籍忠臣烈士比比接踵惟捍大  
患以死勤事則祀之報功宗也故單騎  
降虜鞠躬盡瘁者廟食千載猶有餘  
芬歎惟

灤川王公以一經自致青雲為地曹郎  
尋參黔藩諸厝注不為破觚斲珣之改  
務安輯之噢咻之而以言懷葛天多民





值公家之急則矢心從事不辭胼胝  
故公之生也有汾陽平亂之績沒也有  
武侯盡瘁之忠其褒卹於

朝高食報於永宜也滌永人建祠崇祀  
以至於今三十餘年所過王公貴人下  
及布衣力可薦蘋効虔者靡不景慕  
高風形之謳誦縵、滿亭廡矣夫聆敬  
恭之音咏流江國聽章甫之句誦洽

魯人彼誠表恭章甫若哉蓋仰  
之而敬心生觸之而頌發作也公蘭孫  
侍御公攬轡蜀中渡瀘而返永省  
奠祠下喜見民風如是即其昭告  
有直道不殊古今之誥豈無感而  
然耶雷萬及方館衛符素德公厚  
者庸彙錄其文以志不朽名曰王公忠  
勤錄學封疆吏也又與公孝子同舉



南宮祖通世好清茲盛事敢盱衡  
而言曰青爾天道可必乎不可必也能  
必於所不可必其惟公乎隆施者享厚  
報冥冥之中必或司之公之宣藩黔  
服也在

肅皇帝甲寅所建豎火政不暇枚數比  
歲丁落紅翠冠及側羽板交馳公帥大  
兵壓境上有所指鷹勢如拉朽公下令

誓以不殺為功宣諭禍福衆皆倒戈乞  
降兵不血刃矢不遺鏃而師凱還地方  
安堵所全活三萬餘人仁也及其奉

爾玉書萬羅巨材赤女間諸夷以所產榷楠  
獻者如市公寢食與俱雖萬丈峻崖洞  
谷乘槎攀葛飲嵐茹瘴勿顧也若曰  
勤勞

王事死生以之是謂愛國而忘身者公



仁也嘗聞仁者天地無私之理生物之心必以天地生物之心保民以天地無私之理忠

君德莫大焉說者謂公之德能立黔人之命而不死以其身膺封爵之榮能奠疆場磐石之安而不能以其身受延長之算能以懋績邀豐功垂休竹帛而不朽以其身盡

廟廊之用豈天之可必而未必然耶雖然  
唐桑楚處畏壘三年畏壘之人願尸  
祝之歲久視為傳舍未有如永之尸祝  
於公如畏壘然越三十餘年如一日也汲  
之先有功於術至長孺十世為卿大夫顧  
其澤僅十世而未有如公之垂祉於子如  
孫紆金龍紫綬接武聯芳越三十餘年而  
賜爵贈秩七命九命綿綿未艾也則公雖

未及凋鼎衡霖霖海以完厥施而身後  
享血食之報不以祿位名壽之全萃諸  
躬而以有餘不盡之福貽其後人此自古  
忠臣義士所必之必得者而公必得之如  
持左券詎此希事鑒之不棄公之仁德所留  
耶歎歎公雖沒而其不死者又不止其  
幾子萬春矣彼屈平殞身於楚王疎  
黜之餘令如誓志于曹氏淪絕之後生不

足以策勳沒不足以蠲憤即此於自經  
溝瀆可也其於公也奚軒輊之足云昔  
者司馬談叙史爰及重黎而屬其子遷  
曰子為太史當續吾祖今公之後有為  
古史者行將述祖德以風天下俾後世  
全軀保妻子之儔汗顏而仗管忠之  
家之臣崛起則是錄也其於古教不重  
有維哉敬書之簡以誅



萬曆五年辰臘月中浣之吉

欽差整飭畢節等處兵備分巡貴寧道  
貴州提刑按察司副使年家晚生陳性學  
頓首謹叙

皇帝諭祭文

維

嘉靖三十八年歲次己未十一月

朔越二十日

皇帝遣山東布政司右叅議李一瀚

諭祭于朝議大夫貴州布政司左叅議  
王重光曰爾以明經早登甲第敷歷滋  
久晉叅名藩因時建事率師平夷會興

少司徒灤川王公小像



大工職司採木深山親入殫竭勞動觸  
冒瘴烟嬰疾而逝守臣來奏良用悼傷  
爰示渥恩特頒諭祭爾靈不昧尚克歆  
承

志力景圖

李慎刻



少司徒王公平蠻督木贊

江左諸王肇自始興奕世衣冠被于雲仍新城之盛逾六十載天祚明德表于東海桓桓太僕萬夫之傑犉犗金筑分符弭節匪茹羿蠻翳匿窮數雖則癘疥寧容稂莠

天子命之信我天誅懸師萬里載馳戴驅乃誓乃師以剷以宥潤草膏原凶渠泥首乃任其土乃人其人

不遺一鏃掃氛息塵王殿聿新惟棟惟榱公再受命載渴載飢神之瘁矣綏此遐方力之痺矣為

天子堂

國有大蒸以死勤事天眷忠貞永錫不匱厥年不永餘慶則延子孫保之千百斯年

賜進士出身奉議大夫左春坊左庶子兼翰林院侍讀纂修

會典直

起居注


經筵

日講官北海馮琦撰















運木之圖




忠力録圖

高屋川



忠勤祠圖



祠地在本衛西門內舊察院左側  
 公採木駐節暇時與生員講學因捐俸贖地議創  
 書院未果竟以為祠  
 香火地

奉

湖廣巡撫都御史王 差承差丁朝舜舍人鄭陽  
 賚本院俸銀貳拾兩買到本衛左所百戶李春林  
 管下屯種正軍吳良國余田地名樂令埧土地堂  
 菱角田共三段計種一石五斗通年認納田租穀  
 一十五石陸地二塊地租七斗倉糧一石一斗并



無雜差一段落令埧東至獅豹田西南各至屈正  
松田北至李廷爵田二段土地堂四至俱抵吳良  
甫正田三段菱角田四至俱抵何信田除納糧花  
利悉聽守祠人李成子孫收為供祀香火並養贍  
脩整祠宇種田人役李成自行招住

王公忠勤錄卷之一

提督川貴副總兵曹希彬 校正

貴州永寧衛指揮雷思忠集刊

門人廩生石維盤訂次

平蠻督木傳

漳浦蔡時鼎撰 御史

少司徒王公諱重光字廷宣別號灤川山東新城  
人嘉靖辛丑進士歷工部郎至貴州叅議督  
木勤事以死贈太僕少卿既以仲嗣少司徒之垣  
貴贈今官云公為人沉毅剛方有膽略遇事奮不

本城各日金 卷一

忠勤錄 付



不顧身期必濟方公在貴州時分守貴寧安平二道其地有羿蠻黑白二種盤據落洪地方族類踰萬數素桀詰難制屢為川貴患先是景泰元年叛攻圍城邑以兵討平之天順元年又叛至弘治四年始平嘉靖六年芒部復叛合武臣數人夾擊始復平方其猖獗奔突則以貴之永寧赤水諸處為門戶蜀之九系為巢穴故川貴兼受患焉自古號為鬼方以其人譎詐變幻難以執服有似于鬼故名云其地多山而山又峭峻蜿蜒回互自為城郭急則固守雖百萬之師翱翔而不敢進緩則出標

掠為害是以屢叛屢討屢討而又屢叛未有不動經歲月老師匱財而能以旦夕削平者嘉靖甲寅復叛起四十八寨約三萬餘衆殺酋長焚屯堡大肆流劫聲言攻赤水摩尼諸處直趨九系乃其為亂故轍耳土官以兵剿之屢為所敗行旅不通川貴戒嚴當事諸臣未有倡必然之畫奮然以身當之者公至即延訪衆論相度機宜創為籌畫即僚友及部將莫測也丁巳適

### 世廟新

三殿採用大木多取辨於貴竹業已被諸夷為梗維



時撫臣高公廉知公能檄公以便宜往撫諭公受檄毅然曰夫諸夷肆亂甚矣計其種類繁多即兵甲力不可一舉而殲之也羈而縻之足為中國用然不一大創脇徒以恩德招諭即一時勉從後何所警夫不明威而用恩恩將不固非長計也則以方略授指揮丘東陽等分兵關隘絕其援而自領大眾身入夷穴語具在劉子所著紀事中諸部將以公文臣倉卒起兵伏地懇留公叱之曰第行非爾等所知也約束既定以七月十三日率衆鼓譟而進直探險阻先是各夷恃東西二路諸部落為

助至是為丘東陽等所斷內外阻絕對岍官軍金鼓震天諸夷已膽落公又以精騎出其腦後勢若疾雷從天而降諸夷則益狼顧脇息股慄請命公知其已急乃選膽勇旗士數人同習夷語者與俱入夷寨宣布

朝廷恩威諭之叛服禍福諸夷方恐死無路一聞慰撫衆匍匐羅拜帳下歡呼之聲震動山谷願世世稽首內附效欵蓋至是始自知其為釜魚也遂歸所擄掠還所侵據刻識箭牌為質而數萬之衆累年之叛一時解散於是䟽逃不閉阻深闇昧得耀



乎光明以偃甲兵於此而息誅伐於彼寧謐到今  
夫自昔傳汾陽見虜事咸歆豔為竒然猶其威信  
素加於夷人其有單車入虜營卒使感泣投戈者  
亦未嘗以兵脇之也今威信未孚業已加兵矣乃  
長驅入寨自恃無恐脫其時諸夷叵測足為寒心  
而竟定大亂以歸此其機權之妙非余所能言矣  
若其不遺寸鏃不費斗糧比於老師匱財動經歲  
月者功相萬萬此則可人人知人人道者也功既  
成撫臣高公上其事於

朝且謂撫苗樛木均重事也非公不可議加秩留任  
終此二事語詳疏內

上果允所請留公而不加秩許以工完破格擢用公  
受

命則益感奮孜孜惟木是急諸夷感公威德爭以所  
知異材走報公公乃入果峽口大落包霧露溝等  
處雖土人亦罕到者足跡無不遍焉今觀錄中語  
如所謂釘履登萬丈之險涉水渡一木之舟嗚呼  
亦危矣時有王張二指揮被溺以死而公賴救無  
恙不少阻也有勸公者曰公獨不自愛乎何自苦  
乃爾公曰固也余亦知之矣



忠堂金 卷一 三百五十一  
天子欲光復前烈需木甚急豈臣子自暇逸時乎其  
忠義自許不顧危難類如此既而得異木則又披  
重壤凌霄漢非人力可勝且山川縈紆百折岨壁  
萬仞嶮巖突兀而飛湍瀑流砮岨轉石稍出則洶  
湧騰奮非舟車可通同事諸臣皆患苦之且病公  
求木過阻深已報矣莫可出柰何公曰第視予出  
之母恐也乃為祝嘏詞三章以籲山靈河伯其詞  
藻工贍本原離騷姑勿詳評惟其血誠懇忠發而  
為文真足格被草木感孚河岳使深隱險阻之地  
木行若馳似有神焉雖以垂世不朽可也於是木

果出如所言而同事者始無患用能以梁棟之材  
上報

天子則公精誠竭力所致也然公衝冒嵐瘴茹毒飲  
霧年餘不少休竟成疾以死死之旦則戊午年八  
月十五日也撫臣稔知公勞績以其事

聞

上憫其忠勤特加恩恤䟽下禮部議部議謂王其盡  
瘁報國觸瘴忘身勞甚著恤之宜既而得

上旨賜祭一壇蓋曠典也於是溺死王張二指揮亦  
得蒙給銀葬焉辛酉



忠重金 卷一 五  
三殿告成大司空以貴州獲大木獨多而公功又復多迺追叙前烈贈太僕少卿貴州人感公不忘為公立祠與陽明先生並祀焉歲壬戌適

三殿告成之首科今少司徒公登進士第對策殿廷人謂公忠勤之報其速如此余獨以

世廟銳精圖治念勞臣甚至公之沒惜言者只舉督木死事一節為請使有能以奮不顧身撫平蠻夷之績兼舉而並言之則

天子之軫念嘉賞宜有不世殊恩不止僅僅如此昔史稱閭巷之人欲砥行立名非附青雲之士不能

施於後世詎意立功之士亦然悲夫悲夫公先為山西僉事分巡雲中時仇咸寧鸞方有寵嚴勢甚灼公折其驕氣每見必以理勝之不為屈仇亦斂容敬之小大咸倚公為重仇部曲恃仇威焰不守法攘奪市酒飯弗償其值強投人家宿且戲其妻女公戒徼者逮至繩以法始斂戢不敢為暴其壯毅直節不畏強禦如此公有機略善應變時仇客兵屯聚鎮城內外十數萬糧餉之供甚浩所儲不給而仇恃寵動引軍令虛喝懾所司管糧通判李深患之同事者亦束手無策公察知客兵關糧餉



率鬻於市值且下公謂與其鬻而值不足孰若與之值遂白仇得半折支仇深便之客兵不市鬻而坐得厚值益大喜儲遂給且有餘一言而省勞節費兼利公私幾數萬懦力淺慮者不能也仇出塞失利還以漏機事駕罪墩軍欲盡置之死以自解公直抗仇意堅不肯而仇亦憚公不敢發無辜恃以全活者甚多又有吳總兵部卒乘虜入殺平人報功公抵之罪以伸死者寃自後無敢有妄殺者其執法不阿好全活民命又如此公充善騎射在貴陽時一日與李叅將練士公命弓矢至連發而

九中李愧謝以為不及觀者大駭蓋公天資超邁其於藝亦精絕一時有如斯者公嘗自書門帖曰赤心報國直道事人今觀平蠻督木二事與處仇咸寧之略則公於茲二語乃終身踐之矣非若今人漫書云爾也公之子六人伯氏之翰太學生封祠部郎中仲之垣即少司徒公三之輔計部郎四之城温州府二守五之猷浙江大叅六之棟邑庠生孫二十餘人其登仕籍者五人曰象乾山西方伯曰象坤山西方伯曰象蒙江西道侍御曰象賁都察院都事曰象節翰林庶吉士偕計吏者三人



曰象泰曰象斗曰象恒蒸蒸貴顯延余所知可考而數者至其他奕奕冠裳麟興鳳奮尤莫能勝紀也余以傳平蠻督木二事不敢贅及識者以人臣尊寵集於一門比公之後為萬石君家余竊以為萬石君兄弟馴謹耳如公表監茂勲而其後又世薦前烈為

王朝柱礎則榮寵相似而功業遠過之矣豈天謂司徒公食報未盡故昌大其子姓以酬之歟公功德自有秉史筆者余不文不足以勝彤管之職特以計部公命不敢辭遂紀其實亦願附公以垂不朽

云爾

論曰余讀撫臣疏中語謂公忠信篤實人也嗟嗟世皆賤忠信而誇智能及至臨事輒嬰悞無當此何異木騮不駕鉛刀不割中丞公一奮其身功成事就聲施到今豈非忠信哉昔太史氏謂韓厥紹趙孤之子武為天下陰德宜與趙魏為諸侯十餘世今中丞公忤權貴全活無辜數百命可不謂陰德乎其子孫相繼為卿佐宜矣雖然韓氏之功於晉未有覩其大者也司徒公功烈流聞又彰彰如是而由茲言之王氏之後未可量矣



平蠻督木紀事

永寧門生劉嘉臣撰

公諱重光字廷宣號灤川山東濟南府新城縣人由嘉靖辛丑進士授工部主事轉戶部員外郎歷山西僉事貴州布政使司左叅議嘉靖丙辰永寧宣撫司所部落洪地方四十八寨羿蠻杜皮等率衆謀叛殺其酋長張狗兒焚劫屯堡阻截大路土官領兵征剿屢為所敗上下官商告病行旅不通川貴戒嚴巡撫高公以公德望素著移檄勘處于時公分守貴寧帶管兵巡道遂按地方公先以督

學校士巡歷到衛諸生有師生義及至延接諸生祕詢起叛之由及地方要害復叅訪士夫父老既有定畫乃集本衛指揮千百戶丘東陽等各授方略下令指揮丘東陽領兵三百守水澆古隘路指揮桑珪領兵三百守得要關口指揮李萼領兵五百徑入石圓坪對賊下營自與千百戶袁儒林成棟等領兵統衆入夷穴各官皆以公文臣不開將畧鴛羿又非通王化者甚為公危之伏地懇留者再公曰非爾所知也第各遵約束遂鼓譟而進深入巢穴先是各羿負固所恃者以東西二路夷親



助敵至是已為丘東陽等所據內外應兵皆絕對  
岍官軍奮揚威武金鼓振天公乃從腦後率衆湧  
擊恍若從天而下各夷已膽落待命于是選有膽  
勇旗軍吳允昌何重等十數人同曉夷語鄉導數  
人入寨宣諭曰王爺爺奉

朝廷命領兵剿殺爾等今差我們曉諭你衆夷若能  
革心向化倒戈聽撫則各得保全身家妻子若再  
肆凶惡天兵一下老少不留人皆棄戈卸甲率衆  
匍匐羅拜帳下公曰爾衆雖夷亦有靈性豈不知  
喪身止家之為憂保全性命之為樂乎爾今聽撫

當永為良夷毋阻截我官道戕害我人民我分諭  
爾土官不得害爾等衆夷拜伏于地號哭之聲  
震動山谷即將擄掠子女財物悉還居民爭獻牛  
酒賞軍公揮之不受班師回衛捷報撫院具

題奉

旨各官論功

欽賞于時公欽奉

聖諭督木竣大工不次破格擢用乃不辭艱險深入  
窮山絕谷各夷德公皆以地方所產榷楠異材報  
公公亦不避寒暑寢食與俱功將就遂而公罹重



史道金 卷一  
疾不復起矣至戊午中秋日終于任之正寢士民  
匍匐往奠土夷悲號若喪考妣立祠崇祀當路俯  
採輿論錄公勲業入名宦與陽明先生并祠焉公  
病篤思飲雨水劉太淑人具香案祈之有頃雷雨  
大作公口占門帖一聯云霹靂一聲小醜竟飛九  
垓去甘霖數點忠臣福屆百祥來公精誠動天地  
忠貞貫日星故能臨危不亂迄今既沒三十餘年  
之後旱乾水溢有禱必應猶能為居民造福云

平蠻督木題稿略語

嘉靖丙辰永寧赤水地方黑白羿蠻三萬餘叛公

同叅將李爵深入夷崗招撫宣示

朝廷威德諸夷遂解散時兩臺使薦公薦實之資忠  
信之行親臨變地不避艱險頓令三萬餘衆一時  
解散是其才猷卒濟艱危而其聲績允協人望相  
應加陞俸級以需後効疏上時

肅皇帝方

鼎新

三殿需大木甚急該部覆云見今採木正是其地合  
無令本官採木併叙奉

聖旨王重光暫停陞轉俟木有次第叙功超擢巡撫



高翀賞銀三十兩二表裏欽此公復入山採木赤  
水猴崗等處山箐險阻無不遍歷釘履登萬丈之  
險涉水渡一木之舟時有指揮張朝王之屏被水  
溺死公賴救幸存衝冒嵐瘴茹毒飲霧年餘竟致  
殞沒時督木侍郎李 巡撫高 巡按朱 檄下  
所司立祠致祭仍候題  
請恤典疏上奉

聖旨王重光忠勤可憫量與恩恤禮部看議來說禮  
部覆題云王 惟知盡瘁以報國竟因觸瘴以  
亡身如此忠勤委應可憫奉

聖旨王重光與祭一垓指揮張朝王之屏各給埋葬  
銀拾兩欽此辛酉年

朝殿工完工部查叙貴州大木獲多採木王 身  
故可憫奉

聖旨王重光准贈太僕寺少卿欽此  
碑文

漳人黃鏞 貴州僉事

督府何公撫黔之二年人民庶富兵士勇武乃檄  
學使廣置鄉校漸仁摩義風厲四遠申令材官子  
弟及渠帥當適悉入學宮陶擊其蒙間復編灑訓



象條約頒布所在如人耳提用示趨向使知忠孝  
親上死長彬彬知方矣一日謂所司曰古有象教  
欲其像法為感易入為教易行予惟督木王氏贈  
君勤事畢命于我有土九夷列校知厥姓名風聲  
表儀無過斯人其議祀之必於烈所又曰粵稽往  
牘贈君撫蠻不遺一鏃降其三萬尚錫予光予甚  
嘉之其勤木政九死不免卹典在

朝亦有成命云何可寢祀事必亟行從不奏報佳胤  
有聞必慰孝思世篤忠勤以毋忘

帝勸顧不違歟所司唯唯於是部使布令衛帥胥原  
幕官計工理屬督程歲吏職出梓人飭材巧者拮  
据丁戌子來起于季秋訖於仲冬堂廊門坊聖黜  
畢備視牲有亭麗牲有碑燎瘞守歲莫不有所死  
事二帥曰張曰王侍食左右頤使如存既落之日  
觀者堵墻漢夷故老歡悅歔歔徃徃泣下而相言  
曰人臣事君鞠躬盡瘁

國家厚下崇德報功兩無所負永礪來世聞公子孫  
蟬聯金紫豈獨

國報天報更厚西望咨嗟歲時伏蠟亦豈繫子感人  
感益深睠我督府用此樹表教忠教孝其則不遠



賜我甚弘視我甚切鄙寬薄敦敢不率義自落迄  
今祝奠踵接復爭礪石昇致祠下而鑄以濫役屬  
為之記

祭文

巡按貴州監察御史張 行衛春秋二祭文

於惟我公忠勤天賦風矯清司澤潏黔路展策平  
夷

帝心簡注盡瘁掄材

恩章異數公績不磨公祠孔固嘗禴時歆徽音如故  
我曹駿奔維以永慕號斯祝斯錫我胤祚

提學道凌 行衛春秋二祭文

惟公甲科雋才齊儒耆宿郎副臬僉叅知貴竹氣  
槩剛方丰姿儼肅愛民好士正己率屬旌獎節義  
家賚帛粟厥建庭宇人欣庇育羿蠻三萬擅兵洞  
谷推誠撫之不遺一鏃落紅蠹動蜂蠆肆毒布德  
懷之椎毳襁屬時惟丁巳

巖廊脩復我公捧檄來此程督山行乘橦衝冒炎酷  
剗木浮江與衆俱汨不懈夙夜忘身體國恤下以  
寬應變以曲上無稽違下不怨讟兩院疏薦

詔許優錄仔肩益銳溝疾遂薦奄奄東去抵司而沒



帝憫忠勤褒贈太僕三院合詞卜地尸祝迄今廿載  
未有壇屋會城雖祀輿情尚鬱一旦光啟尤諧衆  
欲寢廟奕奕既成有侁瞻者雲集蒸蒿觸目追惟  
徃歲採木之役司空渙號百司局促川湖奔命燹  
夷竄伏箐深湍急野有積骨財殫力疲蒼生重足  
不有我公其何能淑公以勤死民免血肉故老存  
者談之猶哭矧公遺愛汪濊滲漉何以報公願公  
後祿灌酒焚帛衣冠劍韜洋洋來臨錫我百福  
巡按貴州監察御史年家晚生馬呈圖  
公人龍奉採督胼胝股肱乃鞠躬盡瘁竟隕癘瘡

山風死勤事功宗元祀後裔衮衮名重勲崇圖瞻  
拜祠堂心存仰止看遺容凜凜對綠水青峰

分巡貴寧道貴州按察司僉事黃謨

嗚呼維公岱宗降神魯聖則德璞玉不彫素絲維  
絨筮仕委身勤忠天植中外歷敷咸舉厥職晚忝  
黔藩展采逾力天下已任矧繫方域時適昇蠻崖  
壩作慝兩臺四顧惟公可殛公至撤守空移一檄  
三萬角崩斯須稷息載值

大工需材孔亟公拜

簡書昕昏崩逼橈樁嵐濫胼胝偏仄豈惟險巇幾遭



賈路最後力殫瘡痍是聖輻輳返車龍場云革乘  
彼白雲昇遊紫極臺司士庶哀號踊側訃聞於

朝

天子悼盡罔卿贈褒丹青紀勒亦有漢夷追思靡忒  
督府錄勲雖久不匿上究

國恩下狗羣臆檄下所司經營廟飾庶民來攻儼然  
血食鑄忝監司寔董埴况公令子中丞楚國夙  
有因緣累蒙拂拭何幸藉手少報之德臨祠登串  
如接顏色靖位鞠躬敢不矜式薄奠椒漿馨厥黍  
稷申之以詞聊將翼翼公績不勳公神不畜知必

洋洋鑒余悃悃

兵巡道僉事年家晚生胡宥

人孰無死有以死勤事而死為不虛者有死同草  
木而死不足齒者公之死其殆以死勤事而凜凜  
有生氣者乎公生聖人之里其生也為應岳崧公  
仕清明之世其出也為際遭逢下帷發憤經史是  
工蚤年挾策奮翼漸鴻中外歷任琴鶴侶同分守  
貴筑督餉夷蒙採木

命下深入林叢親冒瘴癘盡瘁奉公齋志以歿以正  
自終公之聲益振於身後公之氣直騰於漢中天



地壯其義憤鬼神察其精忠可以與日月爭輝可  
以與山斗並崇或乘雲而出岫或駕霧而凌空永  
作

皇家之柱長貫天上之虹是以有子司徒公晉秩於  
八座多孫方面公蜚聲於

九重貽芳接武獨擅魯東彬彬乎鳴時碩彥濟濟乎  
奕世才雄宥年家後學世講誼通廟祠孔飾祀典  
時豐靈真來祿鑒我寸衷張王二弁從事捐躬配  
享血食千載不窮

四川按察司副使年家姪高則益

於呼定國惟勞勤事以死于臣足術于典宜祀粵  
若

肅皇明堂大起

詔下炎方採求杞梓公時叅藩被命而喜徵臣報  
君曷以有已餐宿蠻烟出入夷壘督木籌邊乃用勞  
止大木既輸夷患亦救王事襄紘公身瘁矣不亡  
者神不朽在此遺像儼然黔人所視

錫贈追崇厥受

帝祉綸綍輝煌臣節堪紀科甲彬彬施于孫子繁世  
簪纓一門金紫天之報施其猶張矢矧以蘭孫繡



衣直指按部來過數非偶爾無不之也能不樂只  
益忝附通家夙仰高軌伏謁鬼祠敬陳沼沚疊嶂  
巖巖亂石齒齒公烈不磨公祠不圯

貴州按察司副使年家晚生陳性學

於生維公間氣鍾邦珍世瑞稱人龍胸藏星斗氣  
貫虹少年挾策干

重瞳才如迎刃經綸欲筮仕為郎勤亮工繼僉臬政  
鎮西雍風裁凜凜消邊烽天曹迪知推轂公來忝  
黔藩藹春融昇夷叛令群嘯凶

當宁赫怒命即戎藉公威德路無壅小醜殄滅如獸  
窮蠻方初莫未救功承檄須材力效忠廣探崖壑  
瘴癘叢乘槎涉險波濤逢大木既輸瘁厥躬齟然  
咲逝夢幻空棟折柱傾環黔慟有司以聞傷

帝衷

賜釐贈秩恩卹洪廟貌巍莪名輝彤眇予鷦鷯逐溟  
鴻與公季子聯升庸禮曹共政沐涵容十六年來  
世誼通燃香一拜涕泗從哭公忠愛罹瘵疴秉璋  
三獻駿假恭壯公正氣彌曾穹公之勛猷勒彝鐘  
公之世澤流齊東螽斯奕葉科甲重蒼隆報德何  
溶溶蘭孫攬轡來觀風寧入方懷棠蔭濃春祠秋



嘗歲歲同靈其宴娛幽冥中

四川布政使司右叅政年家晚生吳道卿

自昔盛明之運必有鴻龐景鑠之士竭忠宣力故冥勤其官而虞蒸祀葛瘁爾躬而蜀廟食蓋聰明協和者天厚其報而焯耀光大者

帝享其績惟公天孕鴻才神介景福蜚英海岱騰茂輦轂堂堂題姓名於殿柱耿耿標譽望於紳黻迺睠黔粵山厲水岨公徃噢咻兩擲風沐豈從事其獨賢惟匪躬之自篤雖衆推叱馭臨九折而弗回而市罷弗春念百身而何贖是用

帝愍勞臣屢下汝南之褒民思慈母永秩桐鄉之祀蓋匪直叢祠香火綿世禩而不忘而抑且天啟雲仍繫十世而弗替佩刀徵淮水之占槐蔭符晉國之志信德立而不朽果豐報於來裔卿桑梓未學年家晚齒讀益部耆舊之傳少挹高風覩岷山墮淚之碑延傾芳躅敬抒奠桂之忱聊寫執鞭之願公其鑒之

提督叙瀘迤西等處副總兵曹希彬

於鑠祠神洙泗毓精忠勤報

國翔茂蜚英緬昔旬宣黔人共天漢夷林總化雨均



露

世廟盛葉壯紘宮闕

命下採材公膺其責深歷炎荒盡瘁皇皇櫛風沐瘴  
莫知其鄉事業甫隆年華忽終曠山窮野泣慕忡  
忡

九陛叙簡

誥贈殊典旋構堂祠垂之久遠生為名臣歿為明神  
數十年來保境安民維公澤溥代鍾召虎蘭桂彬  
芬超越四乳論公表建中道云難論公流祉奕世  
綿綿蓋公巧還造化福詒子孫與國咸休彪古曜

今希彬待臯邊方拜瞻洋洋平番感夢陰祐非常  
盛德精英在天猶生寸功荷錄顯驗彌真敢用穀  
辰牲醴祇陳稽首謝叩虔布下心

備倭副總兵劉縵

維公簪纓世胄翰墨流芳蜚英秬苑奮跡文場騰  
鯤雲路展驥星郎旋登西臬繼叅黔邦文綏武輯  
惠澤汪洋華夷率服遐邇乂康正期永奠乎蠻徼  
行看借重乎

巖廊竟鞅掌於王事遽乘雲於帝鄉  
天恩晉秩重渙



綸章且槐陰之日茂芬桂馥而蘭香取次列銅龍之  
署聯班上金馬之堂蓋公之死事也不貳宜天之  
報福也無疆昔先人首事茲土曾仰藉乎嚴光今  
緹服氏羗之役獲奉蘭孫驄馬之顯昂謬承駑乘  
努力勩勩快覩箕裘之善益知弓冶之良輒叨北  
轉道適寧陽望崇祠於只尺感今昔而悽惶採野  
藪於峨眉之麓挹玄酒於巫峽之江端官一奠愧  
此哀腸神其不昧來格來嘗

四川叙州府同知路車

於維王公在昔千夷壯猷莫測叛羿稽首畏威懷

德

帝心眷注特命掄材豐功立俟懸絕總臺惟公勤事  
親歷險阻航水梯山沐霜櫛露嵐烟莽翳盡瘁弗  
避喬木就繩世臣遐逝聞之

天子吁嗟無既胡用梗楠摧我棟梁

綸音遄下

秩祭榮光血食西土勒功鼎常嗚呼公在宇內生為  
蓋臣歿號神明豈偶然紮蓋惟秉乾坤之正氣萃  
海嶽之完精故天畀憲柄既使之拊定首奴意者  
藉其忠魂英爽又俾之陰鎮妖氛永清疆圉也公



其慰矣哉乃今洙泗之心印在家塾三槐之勲業  
在

朝廷聯翩接武濟濟繩繩若公之芳烈美譽蓋與天  
地同老與日月爭明天之報公者以莫不增車忝  
下吏奉役於公肅瞻廟貌遡仰高風用陳一奠以  
布虔悃

烏蒙府通判黃懋鼎奉委過永夕寓公署而署  
之左則

功

贈太僕寺少卿累

贈戶部左侍郎前貴州左叅議王公祠也時屬忙迫  
不及一謁而去心常耿耿越辛卯秋復以稅事至  
永乃得虔備牲醴入其祠而恭致奠焉公以名進  
士由部使出為藩臣值羿蠻三萬反背持節單騎  
徑入其穴諭以禍福示以赤心虜見公真誠舉手  
加額解散恐後夫三萬之虜可謂衆矣而公獨以  
一念感之孰謂忠信不可行於蠻貊哉嗣復值

殿木戒嚴

朝廷知公忠勤

特旨委督公不避艱險高則杖履深則乘棧五難三



忠義錄 卷一  
十一  
易各有次第卒冒嵐瘴以沒然竟奏功第一為諸督木最

特旨贈太僕寺少卿累贈戶部左侍郎立祠於永春秋祭焉嗚呼自古豪傑其生也則為

國家建勲業其沒也則為萬世立綱常以公之忠貞用之撫夷則夷人服附用之督木而

殿木稱最隨試隨效勲業赫爛不知幾多年矣而祀公者歲時不絕過而謁公者殆無虛日此豈可以強要而力致之哉吾於是益信豪傑之出其關於國家係乎綱常非鮮少也愧鼎言輕毋能宣德惟攄

一誠庶其來格

永寧衛掌印指揮僉事鄒至道

粵惟陽烏桂魄之與五緯兮敷厥靈於洪鈞黛峙碧林之釀至神兮醞粹美于后坤冲和渾灑之氣凝於東魯兮涵毓乎泗水之清明故太君秉淳龐敦厚之完質兮際嘉會以挺生飫六籍以聯掇巍科兮蒞貴竹而黼黻經綸若紀法之精明兮薇省朗朗乎福星其採木之盡瘁鞠躬兮兩院特嘉其忠勤宣布

王威于落紅之寨兮昇夷以平樹奇功偉績以報主



兮誠勤蒼旻俾后裔之繩繩相續兮帶橫黃金乃  
天王之特降隆勅兮血食光榮命勅名宦祠于貴寧  
兮遺愛猶存方鳩工掄材而庶民子來趨役兮鏤  
腑銘心燎瘞有所兮守藏有人犧牲有碑兮視牲  
有亭信不日之落成兮遐邇歡欣卑軫傷父邦佐  
之淪亡兮曾服役於馬足車塵同效勤勞于木務  
兮歷盡嶮巇之艱辛每得從事而獎勸兮深荷我  
太公祖之厚澤殊仁今茲至道蒞官以董斯役兮  
以觀厥成仰瞻廟貌之巍峩兮望彼精英敢昭告  
神明之赫奕兮俯伏虔誠恪具牲牲肥腍之菲儀  
方之生靈

兮願來格于冥冥冀洋洋錫茲祉福兮庇佑我一

貴州永寧衛掌印指揮何世顯等  
於戲功崇尊顯周誥記之以死勤事祭法載之蓋  
在昔也公平羿蠻電掃霆擊其功崇乎卑乎公採  
大木志決身殲其事勤乎怠乎且其澄清之氣動  
搖碣砦率先之化振起萎頽是以

廷議褒嘉增秩卿座士民繫思專祠肖像其視夫祀  
於太蒸紀於太常者果孰為異同也耶於戲公之  
功留邊土而慶溢門庭即今雲仍躋美晉位卿貳



橫堦玉樹繞席人龍則公之食其報者豈微也哉  
顯父指揮使何求昔曾叨辱屬下奉公指使及顯  
晚受襲廕雖未能接顏色承丰範而父老述之郡  
乘誦之其焄蒿悽愴凜有生氣宜與紅崖蘭水同  
其高峻而深長也嗚呼儀容在廟神爽在天尚其  
依此永享國祀於萬年

永寧衛鎮撫雷動

恭惟明公誕生東魯實維喬嶽身親聖教家傳詩  
學言厲德溫玉潤金確分省貴寧陽春有脚士類  
是師子民是托舞干羽于兩階有苗來格採

廟廊之隆棟百工領略故聞公之風者浮歛其華諒  
返其樸傾蓋吾父開筵命酌談玄終日如得然諾  
余忝庠士亦被其澤朝夕隨侍徧歷崖壑胡駕仙  
輶超遊寥廓漆園夢蝶遼陽化鶴忽三十載宛然  
如昨緬想哲人潛汎淚落水旱疾疫何所告虔今  
乃報公廟食定川臧董斯役寔所周旋新廟赫赫  
畫棟雕椽遺像巖巖博帶我冠公之功烈高山大  
川公之德澤戶頌家傳四時伏臘禴祀綿綿何以  
報公珪組蟬聯

守備貴州指揮僉事張雲翔



惟公曩拜特

命節鎮貴陽迤西等處其興學厚士攘夷戢民惠政  
種種未可更僕數以督採事委翔父董其役父方  
悉心力效尺寸不意渡溺中流公臨江慟惜厚加  
歛葬是公澤在迤西而翔父獨得其厚也及公以  
採運遠陟窮山深谷致蠻烟瘴霧毒入骨膚卒以  
此遐昇去撫臺具狀以聞

皇上嘉公忠赤命下部贈顯秩以表忠魂一時從事  
者均重褒賞翔父亦與焉至今廟祀境土予父亦  
得配享是

朝廷報公之厚而予父與榮藉也使予思及於父安  
得不重思於公予欲享於父安得不預享於公哉  
屬者聞公奕世名聞海內登甲第者若干數歷中  
外為世名臣者若干足占天厚忠良而俾後裔榮  
顯若此藐余小子承父祖勲業乃一麾叨守迤西  
地方適壯年抱忠懷常耿耿是天之報不獨在王  
公大人而武流末弁亦少加祐皆賴公之餘休嘿  
相也翱忍忘哉翱忍忘哉近以巡視至永寧敬陳  
牲醴拜奠祠下望公鑒臨俾予父亦載半焉曷勝  
哀感之至



永寧衛掌印指揮雷思忠

於鑠祠靈海岱鍾英蜚聲翔實顯昔照今當其藩  
貳全黔華夷共瞻恩威帽服叛羿戴天暨夫督採  
勤瘁屢載食嵐飲瘴矢衷不改駿烈際盛天年遽  
斬輿情血食

特恩

誥贈蕞爾邊方兩祠並揚維公永寧陽明龍場生死  
王事道本無二爭輝國史藉榮地誌矧公德重桂  
馨蘭盛頻讀賢書伏祠遙頌愷元怡怡千古一時  
才雋雲仍公氏齊之所不朽者事業所不盡者禔

澤億萬斯年咸休

上國忠父動委建公祠拜瞻有自忠承襲京邸蒙恩  
不次穆卜吉辰牲醴祗陳謁像稽首俯鑒寸心  
永寧宣撫司同知王以儉

惟公神降泰靈秀融泗清桂攀東魯春占上林受  
符節鎮夜郎西巡政教丕揚恩威並行農氓安息  
夷落服心

世廟役工求木黔林簡公宏才採督專承公悉心力  
不避嵐塵胡天不憖盡瘁魂昇奏聞

當寧



忠義錄 卷一  
主上拊憐特賜崇封祀典褒臻廟食寧土歲時獻忱  
皇天降鑒後裔繁興科第接武祭掃寧城嗚呼我公  
不負丹心

帝服封秩天報子孫人報享祀萬代如新儉世守藩  
臣素被鴻恩不敢背德絮酒割芹公靈如在鑒我  
寸心

戶部山西清吏司主事年家晚生聞道立

惟公鄒魯傑士海岱人龍忝藩貴竹屏翰宣忠靖  
我南土殄彼魁戎時維

世廟三殿崇工掄材究竒罔不忡忡維公督採深入

翁猷扳藤釘履沐雨櫛風得彼梁棟既庶且豐身  
罹嵐瘴神遊鴻濛哀聞

當寧

帝恫其衷載錫彛典晉秩優隆匪直其身克昌厥終  
賢哲駿發雲仍稱雄

恩綸屢被有加無窮盡瘁茲境剞劂祠藺中魂罔不之  
精爽潛通嗚呼昔也死事屈指寡二今也食報起  
睇維公益信天道之福善無微不著

國家之旌異有功必崇立忝後學世講禰同割羊醑  
酒來自崆峒



永寧衛年姪廩膳生負聞克承聞克讓聞道充  
於戲泰山之英泗水之精秀氣所鍾何人是凝肇  
生宣父萬世斯文惟公再育山川效靈忠孝純篤  
問學淵深存神夢寐遜志躬行氣象巖巖才思滌  
滌魯邦所瞻薄海咸浸吾父振翼辛丑同登並觀  
吏政期翊

聖明吾父涖任推節南荆三載遽卒承質哀笄幸公  
叅貴西路福星予為得父庭訓與聞文場校藝策  
督叮嚀憐我母氏妙年守貞孀居寂寂問慰諄諄  
頻施粟帛兼錫義金表彰母節風勵邊城落紅叛

作遠邇震驚公來問罪且撫且征畏威懷德一朝  
肅清

廟廊需木梁棟南尋公既受命夜寐夙興鳩工率吏  
深入山林捫蘿攀葛瘴雨蠻塵兄弟省侍卧側延  
登深夜飲語父子家人良材既獲首獻

明廷膺功甫奏公忽遐昇  
朝堂紀績懋贈元卿

帝心簡在鑒此忠勤俾公世祿大放後昆文章華國  
事業秉鈞仁深澤厚沒世彌新寧人不昧戀我公  
勲樹祠建位祀事孔明千載血食崇報無垠禮緣



義起允愜輿情貴陽上奠未罄衷忱堂宇在望幸  
獲駿奔慕公思父淚下沾襟有牲在俎有酒在尊  
公靈於昭綏我思成

永寧門生羅宸羅應雲

天眷

皇明篤生哲人東山毓瑞公焉挺生風神岐嶷卓犖  
不群潛心墳典獨擅文英賢科繼捷委質為臣連  
膺重擢累樹奇勲再轉貴竹紫薇福星受

命

天王採木忠勤停車駐節廼寓永寧窮岷絕壑懸葛

攀藤衝風冒雪殿材是尋蠻烟瘴雨不避艱辛寢  
食俱廢朝夕惟寅公爾忘家國爾忘身公於是時  
朱葛孔明繼而落紅羿夷久梗治平撫臺督命剿  
蕩惟殷公宣德意感化歸心不假兵車惟斷乃成  
公於是時李郭齊名及其誕敷文教訓迪諸生伊  
洛淵源問學宏深泮水增輝善誘循循公於是時  
文清芳塵稽公德器太古貞純不剛不柔且廉且  
仁如金如錫如玉之溫囊無餘帛指俸資貧有威  
可畏有儀可尊威武莫屈富貴不淫公於是時孔  
孟章程啾啾公塵塵囂遂返蓬瀛懿德潛孚感動



蒼旻繁祉永錫子孫繩繩紆金拖紫甲第雲仍族  
乃昌大

朝廷有人公歸天府澤在人心黎民懷惠軍士輸誠  
公今徂落雖死如生生立門墻佩教多春思公之  
德想公之恩陳者載俎舉酒載樽顧瞻廟貌丰采  
猶存俯躬三獻涕雨沾襟公神英爽佑我斯文  
四川叙州府安邊同知顧為麟

齊魯之秀青兗之精川岳間氣我公挺生清標玉  
立雅韻蘭芬龍文豹變鳴則人驚才優利涉學擅  
淵源譽聞嘖嘖文采翩翩蜚聲里選桂藉登仙

彤墀對策

玉殿臚傳初拜郎副親切

龍光視政晉臬惠澤無疆繼叅黔藩力効劬勞夷  
鴛鴦郵塞路壅鷓鴣張犬狺恃彼煙爨感公德化歸  
我一統挽河洗甲不殲其種名聞

當宁檄公採木宵旦奔走衝冒嵐酷剗木浮江幾與  
衆汨士卒感恩毫無怨讟梗楠已輸鼎鼐方邇天  
胡不融公忽不起區中緣絕蒼生望止有司訃奏  
重傷

帝衷憫公忠勤贈秩褒崇功垂竹帛績銘景鐘可愧



末流足振頽風公背貴寧三十年餘政教繫人卜  
地脩祠祀典特隆公論允宜綿綿血食盛德所貽  
天道福善克昌公裔竇桂謝蘭簪纓世繼槐堂有  
王惟公並美龍場有王惟公並祀麟生也晚景仰  
生平叨任叙郡有事永寧展謁祠下遺像森然誅  
辭一奠用告微虔

四川瀘州納谿知縣李仲文

雲谿西接定州惟公之祠在焉父老云公渾樸忠  
義愛士恤民平羿寒數萬之膽採木攀千仞之崗  
偉烈壯猷為

世廟眷注竟夙夜匪懈以死勤事

天子用悼贈祭屢加士民懷之朔祠報祀每遇旱澇  
禱則輒應仲文聞之曰嗚呼公其不死矣乎蓋公  
殫心報主委身國事無復知有安危生死也者其  
精誠之極也傳曰至誠感神矧茲有苗鞠躬盡瘁  
斃而後已公其以之此其英靈蓋與河嶽日星相  
為流貫且視彝鼎為剩迹而脩短為夢幻耳公何  
以死哉公之後綸綍滿緇麻簪笏滿

朝廊功烈滿竹帛綿延百世方隆而未艾也舉世望  
如泰山北斗且卑于公之門而小王謝之族焉說



忠勤錄 卷一  
者皆謂公之餘慶固然而未足以盡公也公孫侍  
御攬轡三巴歷雲谿望公祠即嗚咽不已納人士  
悽然為之興悲焉僉謂忠臣義士孝子慈孫萃於  
一門効靈光嶽而維植名教此可以風矣敢僭為  
構碑亭陳水藻上以彰

朝廷報功之典下以慰後學景行之思于公祠下誄  
曰忠孝盡兮祀遐方乘白雲兮遊帝鄉功澤永兮  
祚胤昌拜旄旒兮舉蒸嘗亭屹屹兮命煌煌保  
皇圖而福黔黎兮萬禩無疆

梧州府通判江大涵

聞之報主致身者義重于泰山勤民敷政者仁流  
于棠蔭公也抱鄒魯之文章樹貴陽之藩屏昔在  
世廟稱曰忠勤鞠躬西事竟爾訃聞

天子震悼贈祭三申自彼貴陽暨茲定川思公者如  
覩雷陽竹而悽慘如望峴山碑而嗚咽乃構寢廟  
怡公之神問之父老舞拜而歌曰公之拮据兮勞  
民事廉貞兮範縉紳淑問如臯兮圉圉清不煩一  
簇兮羿夷平奉

簡命兮飭材我民不耨兮用底其成又從而祝曰尚  
冀皇天后土福其後昆噫嘻絜絜勲猷拽我心旌



逾三十載餘蔭如新乃今侍御

國之名世公之文孫攬轡于蜀引首望雲直涉祠下  
愀然容而憫乎聲一慟九息下鶴舞而動猿吟執  
犖而前告以黃封告以雲仍濟濟乎蘭臺之彥王  
堂之英仁人昌後朱轂影纓源源世澤卜千載而  
猶紹公之大忠匪直食報如斯公之英魄用物而  
取精其必懸為奎壁之星儲為山川之靈不然奮  
為天戈峻四夷之長城不然乘龍白雲沛大荒而  
為霖融為太和俾永永海晏而河清公之不朽者  
亘天地其與存涵也近公之居貫屬青齊之境聞

公之風尤切景行之忱矧備官江邑獲拜祠亭凜  
凜生氣夔然如親奕世而下弔古之士諒必與余  
同此心

永寧衛掌衛鎮撫印左所正千戶丁世芳

於鑠祠靈東魯碩彥海內名人蚤年挾策蜚聲執  
林冠裳明珮羽儀

帝廷旬宣貴筑荒檄湛恩士民共戴雨化殊深時維  
世廟鼎建聿新

命下掄材公殫其勤梯山涉水皇皇不輟櫛風沐瘴  
始終一心幸得良木允壯



闕庭盡瘁炎荒倏爾仙升邊陲增其泣慕

九重鑒其忠誠

誥贈寵錫堂祠肇興血食萬禩允協輿情廟貌赫奕  
儀像猶生愚兄春芳寔董斯成功甫申報中道阻  
淪想兄之生也本祇役於祀事兄之死也願陰祐  
於車塵今世芳叨及武末拜瞻時殷快覩靈祠頌  
公芳聲甲第綿綿槐蔭叢生卑職蒙庇酬報曷申  
敢詹穀旦牲醴祇陳稽首注奠聊表寸心兄靈佑  
否俾側斯蹲下情不勝哀感

永寧宣撫司儒學教授寇思訓導向達吉行可

嗚呼世風波靡兮碌碌庸庸忠義如公兮烈烈轟轟  
轟以進士為名臣兮中外稱雄叅藩黔土兮威惠  
兼隆夷獠盤據兮聞風景從訓士撫黎兮德澤流  
融倏被

簡命兮督採委公授命宣力兮深入林叢不避險峻  
兮臨壑登峰為文告祭兮山鬼協工巨材上獻兮  
五鳳成宮竭心盡瘁兮卒隕厥躬縉紳嘆惜兮哀  
滿黔中撫臣奏訃兮嗟慟

宸聰

特賜恩典兮贈秩崇封廟食境土兮俎豆編氓公之



種德兮庭槐蔭濃聞覩公裔兮遠過荀龍累世甲  
第兮天報勲功川湖歷宦兮陳祀禮恭往來過廟  
兮誅辭祭豐職等守官此邦兮山斗仰崇舉觴一  
奠兮緬憶高風

永寧宣撫司儒學教授雷應時

嗚呼國家重死事之臣隆報功之典於維祠靈奉  
命督採備嘗萬瘁星殞炎荒氣橫山嶽

誥贈之榮畫像之祀蘭桂雲仍之慶公功彌顯公德  
彌彰事業如此直與日月臨照并其久長英爽無  
不之也逍遙容與乎帝鄉

封河南副使不肖男之翰戶部左侍郎之垣戶部  
員外之輔温州府同知之城河南叅政之猷生員  
之棟孫男山西右布政象乾山西左布政象坤江  
西道御史象象舉人象泰生員象震都察院都事  
象賁生員象晉象艮舉人象斗象恒翰林院庶吉  
士象節生員象復象鼎象旭象豐象益象巽象履  
曾孫生員與直與善與端與齡與胤與廉與亮與  
蓋與藿與勤與紳與薦與紀與茂與慎與芳與纁  
等惟我

府君純德性成忠義天植平生履歷已經巡撫吳



忠董錄  
公博採衆議錄入山東鄉賢祠祀撫平羿蠻地方  
寧謐又經巡撫高公奏叙紀錄採辦

皇木功成身殞又經督木侍郎李公 具題禮部尚  
書吳公工部尚書雷公兩經 覆題荷

聖明諭祭贈官 特恩續蒙貴州撫按司道准本衛  
掌印指揮等官申允查照先年原行脩以死勤事  
之典立祠致祀男等一聞祠成不勝悲感追惟

府君平蠻採木晝入山林夜居夷寨援虎豹之穴  
援藤葛之莖涉水乘一木之舟釘履登萬丈之崖  
日夜勤勞茹嵐飲霧竟致身殞男等每憶瘴雨蠻

颺鶴唳猿啼輒南向而哭曰

府君魂鬼眷懷故國返岱東耶抑神無不之念彼  
舊遊繞筑中耶悠悠萬里盡瘁鞠躬幻化天涯何  
依何馮輿人頌德臺使覈功新廟奕奕將祀僮僮  
國典民彛作勤勸忠神之弔矣庶幾罔恫嗚呼

府君昭乎昧乎止乎通乎豈將為神明以遂其義  
乎抑蕩為太虛與化莫窮乎音容何在幽明夢夢  
一慟腸裂涕隕炎風嗚呼哀哉

巡按四川監察御史不肖孫男象象謹以香楮牲  
醴敢昭告于



祖考之祠曰嗚呼我  
祖之叅藩茲土也為

國忘身托魂萬里

聖主憫惻

特恤忠勤蓋

清朝獨優死事之臣而民秉同有懿德之好以故追  
邇我

祖捐棄之日三十餘載于茲矣

皇恩之昭垂若新黔邦之思慕如舊祠宇奕奕香火  
綿綿是馮是依為侑為安竊有感于直道之行不

殊今古人心之厚無問死生而勸忠作勤當路諸  
公且有深義存焉矣我

祖靈原不昧神復有棲冥冥之中知必用慰嗚呼  
昔也孫甫十歲我

祖見背踐霜濡露怵悽愴地北天南空懷罔極  
今也望

祠拜掃遺像儼然周環出戶音容何在棖楠几筵  
祇增痛裂嗚呼哀哉



世

史記

卷

十八

41



